



Broj: 03-017-2035/2012
Dana, 04.10.2012. godine

SKUPŠTINA UNSKO-SANSKOG KANTONA

PREDMET: Prijedlog Zakona o izmjeni i dopuni
Zakona o Univerzitetu u Bihaću,
d o s t a v l j a s e;-


Na osnovu člana 123. 124. i 136. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 5/04), u prilogu Vam dostavljamo Prijedlog Zakona o izmjeni i dopuni Zakona o Univerzitetu u Bihaću, obrađivača Ministarstva obrazovanja, nauke, kulture i sporta, uz slijedeće:

O b r a z l o ž e n j e

Vlada Unsko-sanskog kantona je na sjednici održanoj dana, 04.10.2012. godine, razmatrala Prijedlog Zakona o izmjeni i dopuni Zakona o Univerzitetu u Bihaću, obrađivača Ministarstva obrazovanja, nauke, kulture i sporta, te Vam isti dostavljamo u dalju proceduru.

S obzirom da nije u pitanju složen i obiman Zakon, Vlada Unsko-sanskog kantona kao predlagач umjesto Nacrta Zakona podnosi Prijedlog Zakona i predlaže Skupštini kantona da se Prijedlog Zakona o izmjeni i dopuni Zakona o Univerzitetu u Bihaću, pretresa po skraćenom postupku bez Nacrta.

PRILOG: - Prijedlog Zakona (50x)



Na osnovu odredbe člana 2. b) poglavlja IV Ustava Unsko-sanskog kantona – Prečišćeni tekst ("Službeni glasnik Unsko-sanskog kantona", broj: 1/04 i 11/04), na prijedlog Vlade Unsko-sanskog kantona, Skupština Unsko-sanskog kantona, na sjednici održanoj _____
d o n i j e l a j e

ZAKON O IZMJENAMA I DOPUNAMA ZAKONA O UNIVERZITETU U BIHAĆU

Član 1.

U članu 16. Zakona o Univerzitetu u Bihaću ("Službeni glasnik Unsko-sanskog kantona", broj: 16/09 i 4/11), stav (2) se mijenja i glasi:

(2) Upravni odbor Univerziteta ima devet članova, i to šest koje imenuje Osnivač u javnoj i transparentnoj konkursnoj proceduri koju provodi Vlada Unsko-sanskog kantona i tri iz reda akademske zajednice koje u javnoj i transparentnoj konkursnoj proceduri imenuje Senat Univerziteta u Bihaću.

U članu 16. stav (5) se briše, a stav (6) postaje stav (5).

Član 2.

U članu 18. stav (1) se mijenja i glasi:

(1) Osnivač može razriješiti člana Upravnog odbora i prije vremena na koje je izabran u skladu sa Zakonom i Statutom

Član 3.

U članu 21. stav (2) se mijenja i glasi:

(2) Broj članova, sastav i način rada Senata utvrđuje se Zakonom o visokom obrazovanju (" Službeni glasnik Unsko-sanskog kantona", broj: 8/09) i Statutom Univerziteta u Bihaću.

Član 4.

U članu 22. stav 1. tačka b) se mijenja i glasi:

(1) b) donosi Statut, uz prethodno pribavljenu saglasnost Upravnog odbora i dobijenu saglasnost Vlade Unsko-sanskog kantona;

U članu 22. stav 1. tačka f) se mijenja i glasi:

(2) f) bira i razrješava rektora i prorektore Univerziteta uz prethodnu saglasnost Upravnog odbora Univerziteta.

U članu 22. stav 1. tačka g) se briše.

član 5.

U članu 23. stav (3) se mijenja i glasi:

- (1) Rektora bira i razrješava Senat tajnim glasanjem natpolovičnom većinom od ukupnog broja članova Senata, uz prethodnu saglasnost Upravnog odbora Univerziteta, na mandat od četiri godine i može biti ponovo izabran na još jedan mandat.

Član 6.

Član 24. se mijenja i glasi:

Ako je pozicija rektora prije isteka perioda na koji je izabran ostala upražnjena iz ličnih ili drugih razloga, Senat Univerziteta iz redova uposlenika Univerziteta imenuje vršioca dužnosti rektora, uz prethodnu saglasnost Upravnog odbora Univerziteta, koji obavlja dužnost do izbora novog rektora, a najduže šest (6) mjeseci.

Član 7.

U članu 27. stav (2) se mijenja i glasi:

- (1) Rektor za svoj rad u domenu akademskih pitanja odgovara Senatu, a u domenu rada i poslovanja Upravnom odboru.

U članu 27. stav (3) se mijenja i glasi:

- (2) Rektor jednom godišnje podnosi Senatu izvještaj o svom radu u domenu akademskih pitanja početkom akademske godine za prethodnu akademsku godinu, a Upravnom odboru izvještaj o svom radu i poslovanju početkom kalendarske godine za prethodnu godinu.

Član 8.

U članu 30. stav (1) se mijenja i glasi:

- (1) Rektor u radu pomažu prorektori, koje bira i razrješava Senat uz prethodnu saglasnost Upravnog odbora Univerziteta, tajnim glasanjem nakon provedene procedure javnog konkursa.

U članu 30. stav (2) se mijenja i glasi:

- (2) Broj, uslovi izbora i razrješjenja i ovlaštenja prorektora bliže se uređuju Statutom, u skladu sa zakonom.

Član 9.

U članu 32. Stav (1) se mijenja i glasi:

- (1) Nastavno-naučno, odnosno nastavno-umjetničko vijeće je akademsko tijelo kojeg čine nastavnici i dva predstavnika viši asistenata i dva predstavnika asistenata, kao i po jedan predstavnik studenata svakog ciklusa studija koji su izabrani od studentskog predstavničkog organa, u skladu sa Statutom.
- (2) U članu 32., stav (2), tačka d) se briše, a tačka e) postaje tačka d), tačka f) postaje tačka e) i tačka g) postaje tačka f).

Član 10.

U članu 34. stav (1). se mijenja i glasi:

(1) Dekana/direktora bira i razrješava nastavno-naučno, odnosno nastavno-umjetničko vijeće organizacione jedinice, uz prethodnu saglasnost Upravnog odbora Univerziteta.

U članu 34. stav (2) se mijenja i glasi.

(2) Za dekana/direktora može biti izabran nastavnik u nastavničkom zvanju (docent, vanredni ili redovni profesor) u skladu sa Zakonom o visokom obrazovanju.

U članu 34. dodaje se stav (7) koji glasi:

(3) Ako je pozicija dekana/direktora prije isteka perioda na koji je izabran ostala upražnjena iz ličnih ili drugih razloga, Senat iz redova uposlenika Univerziteta imenuje vršioca dužnosti dekana/direktora (u zvanju docenta, vanrednog ili redovnog profesora) uz prethodnu saglasnost Upravnog odbora Univerziteta, koji obavlja dužnost do izbora novog dekana/direktora, a najduže šest (6) mjeseci.

Član 11.

Član 35. se mijenja i glasi:

(1) Dekan/direktor može biti razriješen prije isteka perioda na koji je izabran, uz prethodnu saglasnost Upravnog odbora Univerziteta, u slučajevima:

a) ako ostvaruje loše poslovne rezultate,

b) ako bude osuđen za krivično djelo,

c) ako ne izvršava zadatke utvrđene Zakonom, osnivačkim aktom i Statutom, ili ih izvršava protivno njima, ili prekorači ovlaštenja,

d) zbog odsutnosti ili spriječenosti da u periodu dužem od tri mjeseca obavlja dužnost dekana/direktora,

e) ako svojim ponašanjem povrijedi ugled funkcije dekana/direktora

f) ako mu većina članova nastavno-naučnog vijeća, odnosno nastavno-umjetničkog vijeća iskaže nepovjerenje, tajnim izjašnjavanjem,

g) u drugim slučajevima utvrđenim Zakonom i Statutom.

(2) Prijedlog za razrješenje dekana/direktora organizacione jedinice može dati osnivač, rektor, jedna trećina (1/3) članova Senata ili jedna trećina (1/3) članova nastavno-naučnog odnosno nastavno-umjetničkog vijeća.

Član 12.

U članu 42. stav (2) se briše.

Član 13.

Ovaj Zakon stupa na snagu osmog dana od dana objavljivanja u "Službenom glasniku Unsko-sanskog kantona".

Predsjedavajući Skupštine
Unsko-sanskog kantona

Admir Hadžipašić, dipl.prav.

Broj:
Bihać,

OBRAZLOŽENJE

USTAVNI OSNOV

Ustavni osnov za donošenje ovog zakona je u članu 2. b) poglavlje IV i članu 11. b) odjeljak A, poglavlje V Ustava Unsko-sanskog kantona – Prešišćeni tekst ("Službeni glasnik Unsko-sanskog kantona", 1/04 i 11/04).

RAZLOZI ZA DONOŠENJE ZAKONA

Zakon o Univerzitetu u Bihaću usvojen je na 42. sjednici Skupštine Unsko-sanskog kantona, održanoj 23. septembra 2009. godine, a objavljen je u "Službenom glasniku Unsko-sanskog kantona", broj: 16/09.

Zakon o Univerzitetu u Bihaću ("Službeni glasnik Unsko-sanskog kantona", broj: 16/09) je bio pravni osnov za upis promjena u Sudskom registru i Registru ustanova (član 48.).

Članom 16. gore navedenog zakona propisan je način biranja i razrješenja članova Upravnog odbora Univerziteta kojim je Senat kao stručni organ stavljen iznad Upravnog odbora kao organa upravljanja, što je nelogično.

Imenovanja i razrješenja čelnih ljudi na nivou Univerziteta i članica Univerziteta se prema postojećem zakonu završavaju na Senatu, kao stručnom organu, bez ikakvog učešća i uticaja Upravnog odbora (članovi: 22, 23, 24, 30, 33).

OBRAZLOŽENJE PREDLOŽENIH RJEŠENJA

Predloženim rješenjima se zadržava način organiziranja Univerziteta, formiranja njegovih organa, a zadržavaju se u najvećem dijelu ovlasti rukovodećih osoba i nadležnosti odgovarajućih organa, ali se daju nužne nadležnosti Upravnom odboru vezano za izbor rukovodećih lica.

Dakle, zadržava se potpuna autonomija Univerziteta u domenu akademskih pitanja i visok stepen autonomije u domenu upravljanja i rukovođenja, ali se propisuje i mogućnost osiguranja veće odgovornosti. Također, osnivaču se daje veća uloga prilikom formiranja Upravnog odbora Univerziteta, odnosno veći uticaj na zakonitost rada.

Za provođenje ovog Zakona nije potrebno osigurati dodatna finansijska sredstva iz Budžeta Unsko-sanskog kantona.

MINISTAR
[Signature]
Dario Jurić, prof.

20320
10

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA
KOMISIJA ZA ZAKONODAVSTVO

Broj: 03/3-02-7850-16/109
Bihać, 29.05.2012. godine


Ministarstvo obrazovanja, nauke, kulture i sporta

PREDMET: Mišljenje na Nacrt Zakona o izmjenama i dopunama
Zakona o Univerzitetu u Bihaću, dostavlja se;-

Komisija za zakonodavstvo Vlade Unsko-sanskog kantona na svojoj sjednici održanoj dana 29.05.2012. godine, u skladu sa članom 39. Poslovnika o radu Vlade Unsko-sanskog kantona („Službeni list Unsko-sanskog kantona“, broj 4/97), a u vezi sa Zaključkom Vlade Unsko-sanskog kantona broj: 03-017-1505/2012 od 17.05.2012. godine razmatrala Nacrt Zakona o izmjenama i dopunama Zakona o Univerzitetu, te na osnovu predloženog teksta istog daje svoje mišljenje:

Komisija nema primjedbi na predmetni materijal, mišljenja je da je predloženi tekst Nacrta Zakona usaglašen sa Ustavom, važećim zakonskim propisima i metodološkim jedinstvom izrade propisa.

PREDSJEDNIK KOMISIJE
Šinha Kurbegović, dipl.pravnica





SLUŽBENI GLASNIK

UNSKO-SANSKOG KANTONA

Godina XIII - Broj 16

16. oktobra 2009.
BIHAĆ

Izdanje na bosanskom
jeziku

367.

Na osnovu člana 2 b) poglavlja IV Ustava Unsko-sanskog kantona ("Službeni glasnik Unsko-sanskog kantona", broj 1/04 i 11/04), Skupština Unsko-sanskog kantona, na 42. sjednici održanoj 23. septembra 2009. godine, donosi

ZAKON O UNIVERZITETU U BIHAĆU

GLAVA PRVA – OPĆE ODREDBE

Član 1.

(Sadržaj Zakona)

Ovim Zakonom uređuju se pitanja vezana za status Javne ustanove "Univerzitet u Bihaću" (u daljem tekstu: Univerzitet), a naročito:

- Osnivač, naziv, pravni status, sjedište, obilježja i Statut
- Djelatnost
- Imovina

- Unutrašnja organizacija Univerziteta
- Organi Univerziteta
- Organi organizacionih jedinica
- Finansiranje Univerziteta
- Nadzor

Član 2.

(Osnivač)

- Osnivač Univerziteta u Bihaću je Skupština Unsko-sanskog kantona (u daljem tekstu: Skupština Kantona).
- Skupština Kantona vrši prava i dužnosti osnivača Univerziteta, preuzete Zakonom o Univerzitetu u Bihaću ("Službeni glasnik Unsko-sanskog kantona", br. 8/98 i 8/06).

Član 3.

(Naziv)

- Naziv Univerziteta glasi: Javna ustanova "Univerzitet u Bihaću" – "Universitas studiorum Bihigiensis".
- Skraćeni naziv glasi: "Univerzitet u Bihaću".

- (2) Univerzitet stječe, upravlja i koristi svoju imovinu u skladu sa Zakonom.

Član 11.

(Ovlaštenja i odgovornost)

- (1) Univerzitet istupa u pravnom prometu samostalno, u okviru ovlaštenja utvrđenih Zakonom.
- (2) Za svoje obaveze Univerzitet odgovara svom svojom imovinom (potpuna odgovornost).
- (3) Osnivač je supsidijarno odgovoran za obaveze Univerziteta.

Član 12.

(Višak prihoda)

Višak prihoda nad rashodima Univerzitet koristi za unapređenje i razvoj djelatnosti zbog koje je osnovan.

GLAVA ČETVRTA – UNUTRAŠNJA ORGANIZACIJA UNIVERZITETA

Član 13

(Organizacione jedinice)

- (1) U sastavu Univerziteta ustanovljavaju se organizacione jedinice bez svojstva pravnog lica.
- (2) Prava, obaveze i odgovornosti, broj i naziv organizacione jedinice, ovlaštenja u pravnom prometu i druga pitanja odnosa Univerziteta i organizacione jedinice utvrđuju se ovim Zakonom i Statutom.
- (3) Organizacione jedinice upisuju se u Sudski registar.
- (4) Organizacione jedinice koje su organizovane na Univerzitetu su:
- Ekonomski fakultet (osnovan Odlukom Skupštine USK broj 01-1-85/98 od 9. jula 1998)
 - Pravni fakultet (osnovan Odlukom Skupštine USK broj 01-1-86/98 od 9. jula 1998)
 - Pedagoški fakultet (osnovan Odlukom Skupštine USK broj 01-1-84/98 od 9. jula 1998)
 - Tehnički fakultet (Mašinski fakultet osnovan Odlukom Skupštine USK broj 01-5/96 od 10. februara 1996, transformiran u Tehnički fakultet Odlukom Skupštine USK broj 01-1-96/99 od 21. jula 1999)

- e) Biotehnički fakultet (osnovan Odlukom Skupštine USK broj 01-1-83/98 od 9. jula 1998)

- f) Visoka zdravstvena škola (osnovana kao Viša medicinska škola Odlukom Skupštine USK broj 01-1-87/98 od 9. jula 1998 a preimenovana u Visoku zdravstvenu školu uz saglasnost Kantonalnog ministarstva obrazovanja, nauke, kulture i sporta broj: 10-05-8923-UP-1-2/06 od 18. oktobra 2006)

- (5) Islamski pedagoški fakultet (Ugovor o udruživanju broj 15/1. 612-52/97 od 30. juna 1997) ostaje u sastavu Univerziteta čiji je status regulisan navedenim ugovorom.

- (6) Univerzitet može ustanoviti i druge organizacione jedinice u skladu sa Statutom.

Član 14.

(Ovlaštenja u pravnom prometu)

- (1) Organizacione jedinice Univerziteta imaju određena ovlaštenja u pravnom prometu, kao i poseban obračun rezultata poslovanja u skladu sa Statutom.
- (2) U pravnom prometu sa trećim licima organizacione jedinice istupaju pod nazivom Univerziteta i svojim nazivom, u skladu sa Statutom.

GLAVA PETA – ORGANI UNIVERZITETA

Član 15.

(Organi Univerziteta)

- (1) Organi Univerziteta su: Upravni odbor, Senat i rektor.
- (2) Organi iz stava (1) ovog člana mogu osnivati stručne komisije i druga savjetodavna i stručna tijela.

Član 16.

1. Upravni odbor

- (1) Organ upravljanja Univerziteta je Upravni odbor.
- (2) Upravni odbor Univerziteta ima devet članova, i to pet predloženih od Osnivača u javnoj i transparentnoj konkursnoj proceduri i četiri iz reda akademske zajednice u javnoj i transparentnoj konkursnoj proceduri koju proyodi Senat.
- (3) Predsjednik Upravnog odbora imenuje se iz reda Osnivača.
- (4) Mandat članova Upravnog odbora je četiri godine.

- (5) Konačno imenovanje članova Upravnog odbora vrši Senat.
- (6) Bliža pitanja vezana za početak i način rada, prava i obaveze Upravnog odbora uredit će se Statutom.
- (3) Svaka organizaciona jedinica je zastupljena najmanje jednim članom u Senatu u skladu sa Statutom.

Član 17. (Izuzeca)

- (1) Rektor, prorektor, rukovodilac organizacione jedinice Univerziteta i članovi Senata ne mogu biti članovi Upravnog odbora.
- (2) Za člana Upravnog odbora ne može biti imenovano lice u radnom odnosu u organima koji vrše nadzor nad provođenjem zakona iz oblasti visokog obrazovanja i nadzor nad zakonitošću rada visokoškolskih ustanova, direktor javne ustanove koju osniva Kanton, direktor kantonalnog vanbudžetskog fonda, kao ni druga lica u skladu sa Zakonom i drugim propisima.

Član 18. (Razrješenje člana Upravnog odbora)

- (1) Senat može razriješiti člana Upravnog odbora i prije vremena na koje je imenovan u skladu sa Zakonom i Statutom.
- (2) Prijevremeno razrješenje člana Upravnog odbora bliže se uređuje Statutom.

Član 19. (Djelokrug poslova Upravnog odbora)

- (1) Upravni odbor obavlja poslove utvrđene Zakonom i Statutom.
- (2) Nadležni organi su dužni obezbijediti Upravnom odboru tražene i druge relevantne informacije i dokumentaciju vezanu za rad Univerziteta.

Član 20. (Naknada za rad članovima Upravnog odbora)

Članovima Upravnog odbora Univerziteta pripada naknada za rad u Upravnom odboru u visini koju utvrđuje Vlada Kantona.

Član 21.

2. Senat

- (1) Senat je najviše izborno akademsko tijelo koje se bira iz reda akademskog osoblja i studenata iz svih (3) ciklusa u skladu sa Zakonom i Statutom.
- (2) Broj članova, sastav i način rada Senata utvrđuje se Statutom.

Član 22. (Nadležnost Senata)

- (1) Senat Univerziteta odlučuje o svim akademskim pitanjima u okviru ovlaštenja utvrđenih Zakonom, a posebno:
- o pitanjima nastavne, naučne, umjetničke i stručne djelatnosti Univerziteta;
 - donosi Statut, uz prethodno pribavljeno mišljenje Upravnog odbora;
 - donosi Etički kodeks u skladu sa Zakonom i Statutom;
 - ~~donosi opće akte u skladu sa Zakonom i Statutom;~~
 - donosi nastavne planove i nastavne programe svih ciklusa studija;
 - bira i razrješava rektora i prorektore Univerziteta;
 - daje saglasnost na izbor dekana/direktora organizacione jedinice;
 - bira akademsko osoblje na prijedlog nastavno-naučnog vijeća organizacione jedinice;
 - prati realizaciju razvoja visokoškolske ustanove sa stanovišta ostvarivanja nastavnog, naučno-nastavnog, umjetničkog, umjetničko-nastavnog, umjetničko-istraživačkog i stručnog rada putem analize izvještaja rukovodilaca organizacionih jedinica i na druge načine;
 - predlaže Upravnom odboru godišnji program rada visokoškolske ustanove;
 - razmatra prijedloge organizacionih jedinica o realizaciji studija u saradnji sa domaćim i stranim visokoškolskim ustanovama koje mogu imati za rezultat izdavanje dvojnih ili zajedničkih diploma;
 - imenuje komisije u postupku stjecanja doktorata nauka na prijedlog nastavno-naučnog vijeća odnosno umjetničko-nastavnog vijeća i odlučuje o izvještajima tih komisija i imenuje mentora;
 - odjeljuje počasno zvanje "profesor emeritus", te "počasni doktor nauka";
 - podnosi prijedlog Upravnom odboru za organiziranje i ukidanje fakulteta i drugih organizacionih jedinica Univerziteta;

- o) odobrava razvojne i organizacione planove;
- p) imenuje svoja stalna ili privremena tijela, radne grupe, komitete, grupe za praćenje kvaliteta rada i slično;
- q) propisuje odredbe kojima se regulira rad organa koje on imenuje;
- r) predlaže upisnu politiku resomom ministarstvu u skladu sa potrebama tržišta rada;
- s) obavlja druge poslove u skladu sa Zakonom i Statutom.

(2) Senat Univerziteta odlučuje o akademskim pitanjima na prijedlog stručnih organa organizacionih jedinica, kao i drugih organa i predstavničkih tijela studenata.

Član 23.

3. Rektor

- (1) Organ rukovođenja Univerziteta je rektor, koji se bira u proceduri javnog konkursa.
- (2) Za rektora može biti izabran nastavnik u naučno-nastavnom zvanju redovnog profesora, koji ispunjava uslove za to zvanje na Univerzitetu.
- (3) Rektora bira i razrješava Senat tajnim glasanjem natpolovičnom većinom od ukupnog broja članova Senata, na mandat od četiri godine i može biti ponovo izabran još jedan mandat.
- (4) Rektor se bira i razrješava u skladu sa uslovima i postupkom propisanim ovim Zakonom.
- (5) Za rektora ne može biti izabrano lice koje ima funkciju u izvršnim organima političke stranke.

Član 24.

(Vršilac dužnosti rektora)

Ako je pozicija rektora, prije isteka perioda na koji je izabran, ostala upražnjena iz ličnih ili drugih razloga, Senat Univerziteta iz svojih redova bira vršioca dužnosti rektora (u zvanju vanrednog ili redovnog profesora), koji obavlja dužnost do izbora novog rektora, najduže šest (6) mjeseci.

Član 25.

(Ovlaštenja)

Rektor ne može bez prethodne saglasnosti Upravnog odbora sklapati poslove o stjecanju, opterećenju ili otuđenju imovine, kao ni raspolagati sredstvima preko iznosa utvrđenog Zakonom i Statutom.

Član 26.

(Djelokrug)

Rektor obavlja poslove utvrđene Zakonom o visokom obrazovanju i Statutom.

Član 27.

(Odgovornost)

- (1) Rektor je odgovoran za zakonitost rada Univerziteta.
- (2) Rektor za svoj rad u domenu akademskih pitanja odgovara Senatu, a u domenu poslovanja Upravnom odboru.
- (3) Rektor jednom godišnje podnosi Senatu izvještaj o svom radu u domenu akademskih pitanja početkom akademske godine za prethodnu akademsku godinu, a Upravnom odboru izvještaj o svom radu početkom kalendarske godine za prethodnu godinu.

Član 28.

(Razrješenje)

- (1) Pored slučajeva utvrđenih Zakonom, rektor može biti razriješen dužnosti i prije isteka vremena na koje je imenovan u slučaju ozbiljnog kršenja odredbi Statuta i drugih općih akata Univerziteta, kršenja Zakona i drugih propisa, ako ostvaruje loše poslovne rezultate i ne izvršava zadatke predviđene Zakonom, drugim propisom ili Statutom, ili ih izvršava protivno njima, ili prekorači ovlaštenja, ako bude pravosnažno osuđen za krivično djelo, ako svojim ponašanjem povrijedi ugled i dužnost koju vrši, izgubi sposobnost obavljanja dužnosti rektora, zbog odsutnosti ili spriječenosti da u periodu dužem od tri mjeseca obavlja dužnost rektora i u drugim slučajevima predviđenim Zakonom i Statutom.
- (2) Prijedlog za razrješenje rektora Univerziteta može dati osnivač, jedna trećina (1/3) članova Senata, najmanje tri nastavno-naučna, odnosno umjetničko-nastavna vijeća organizacionih jedinica i natpolovična većina ukupnog broja članova Upravnog odbora.

Član 29.

(Obustavljanje općeg i pojedinačnog akta)

- (1) Rektor Univerziteta dužan je da obustavi od izvršenja opći akt donesen na Univerzitetu koji nije u saglasnosti sa Ustavom ili je u suprotnosti sa Zakonom i drugim propisima,

kao i izvršavanje pojedinačnog akta kojim se nanosi šteta Univerzitetu ili društvenoj zajednici, i da o tome obavijesti, u roku od sedam (7) dana od dana donošenja odluke, Senat, odnosno Upravni odbor u skladu sa njihovim nadležnostima, kao i organ uprave koji vrši nadzor nad zakonitošću rada visokoškolske ustanove.

- (2) Rektor je dužan upozoriti dekana i ostale rukovodioce na Univerzitetu na protivzakonitost ili protivustavnost njihovih donesenih odluka i o tome obavijestiti Senat i nastavno - naučno odnosno umjetničko - nastavno vijeće organizacione jedinice.

Član 30.

(Prorektori)

- (1) Rektor u radu pomažu prorektori, koje bira i razrješava Senat tajnim glasanjem nakon provedene procedure javnog konkursa.
- (2) Broj, uslovi izbora i razrješavanja i ovlaštenja prorektora bliže se uređuju Statutom.
- (3) Za prorektora ne može biti izabrano lice koje ima funkciju u izvršnim organima političke stranke, kao ni drugo lice utvrđeno Statutom.
- (4) Rektor/rektorica i prorektor/prorektorica u toku mandata ne mogu vršiti funkciju dekana/direktora ili prodekana organizacione jedinice, kao ni člana Upravnog odbora visokoškolske ustanove.

GLAVA ŠESTA – ORGANI ORGANIZACIONIH JEDINICA

Član 31.

(Organi organizacionih jedinica Univerziteta)

- (1) Organi organizacionih jedinica Univerziteta su:

- (a) nastavno-naučno, odnosno nastavno-umjetničko vijeće;
- (b) dekan/direktor.

- (2) Organizacione jedinice iz stava (1) ovog člana mogu imati i druge organe, što se uređuje Statutom.

Član 32.

(Nastavno-naučno i nastavno-umjetničko vijeće)

- (1) Nastavno-naučno, odnosno nastavno-umjetničko vijeće je akademsko tijelo kojeg čine nastavnici i saradnici koji su u radnom odnosu na Univerzitetu koji učestvuju u nastavno-naučnom procesu organizacione

jedinice, kao i studenti izabrani od studentskog predstavničkog organa, u skladu sa Statutom.

- (2) Nastavno-naučno, odnosno nastavno-umjetničko vijeće:

- a) predlaže nastavni plan i program za organizacionu jedinicu kao dio integralnog nastavnog plana i programa Univerziteta;
- b) donosi odluke o akademskim, naučnim, umjetničkim i stručnim pitanjima na nivou organizacione jedinice;
- c) obrazuje komisije u postupku stjecanja naučnog stepena magistra i imenuje mentora i predlaže komisiju u postupku stjecanja naučnog stepena doktora nauka i predlaže mentora;
- (d) bira i razrješava dekana/direktora u javnoj i transparentnoj konkursnoj proceduri koju sprovodi organizaciona jedinica uz saglasnost Senata;
- e) bira prodekana i predstavnika u Senatu tajnim glasanjem natpolovičnom većinom svih članova vijeća;
- f) odlučuje o prigovorima studenata na odluku dekana o pojedinačnim pravima, obavezama i odgovornostima studenata;
- g) obavlja i druge poslove u skladu sa Zakonom i Statutom.

Član 33.

(Dekan/direktor)

- (1) Dekan/direktor organizuje i rukovodi radom i predstavlja i zastupa organizacionu jedinicu Univerziteta, a posebno:

- a) saziva i predsjedava sjednicama nastavno-naučnog vijeća, odnosno nastavno-umjetničkog vijeća organizacione jedinice;
- (b) predlaže rektoru unutrašnju organizaciju i sistematizaciju radnih mjesta organizacione jedinice;
- c) odlučuje u prvom stepenu o pojedinačnim pravima studenata;
- d) odlučuje i snosi odgovornost za korištenje sredstava kojima raspolaže organizaciona jedinica u skladu sa općim aktom Univerziteta;
- e) naredbodavac je za izvršenje finansijskog plana koji se odnosi na organizacionu jedinicu u skladu sa Statutom;
- f) obavlja druge poslove utvrđene Statutom.

(2) Dekan može raspolagati sredstvima organizacione jedinice do iznosa utvrđenog Statutom.

Član 34.

(Izbor dekana/direktora)

(1) Dekana/direktora bira i razrješava nastavno-naučno, odnosno nastavno-umjetničko vijeće organizacione jedinice, uz saglasnost Senata.

(2) Za dekana/direktora može biti izabran nastavnik u nastavničkom zvanju u skladu sa Zakonom o visokom obrazovanju.

(3) Dekana/direktora se bira na četiri godine po proceduri javnog konkursa i može biti ponovo izabran još jedan mandat.

(4) Uslovi i postupak izbora i razrješavanja dekana/direktora bliže se uređuju Statutom.

(5) Za dekana/direktora ne može biti izabrano lice koje ima funkciju u izvršnim organima političke stranke, kao ni drugo lice utvrđeno Statutom.

(6) Za vrijeme trajanja mandata, dekan/direktor zasniva radni odnos na Univerzitetu sa punim radnim vremenom.

Član 35.

(Razrješavanje dekana/direktora)

Dekan/direktor može biti razriješen prije isteka perioda na koji je izabran, uz saglasnost Senata, u slučajevima:

- a) ako ostvaruje loše poslovne rezultate,
- b) ako bude osuđen za krivično djelo,
- c) ako ne izvršava zadatke utvrđene Zakonom, osnivačkim aktom i Statutom, ili ih izvršava protivno njima, ili prekorači ovlaštenja,
- d) zbog odsutnosti ili spriječenosti da u periodu dužem od tri mjeseca obavlja dužnost dekana/direktora,
- e) ako svojim ponašanjem povrijedi ugled funkcije dekana/direktora,
- f) ako mu nastavno-naučno vijeće, odnosno nastavno-umjetničko vijeće iskaže nepovjerenje, tajnim izjašnjavanjem dvotrećinskom većinom.
- g) u drugim slučajevima utvrđenim Zakonom i Statutom.

Član 36.

(Prodekani)

(1) Dekanu u radu pomažu prodekani.

(2) Broj prodekana, uslovi i postupak izbora i razrješavanja, kao i njihova prava i obaveze utvrđuju se Statutom.

Član 37.

(Organi drugih organizacionih jedinica)

(1) Institut, kao naučno-istraživačka organizaciona jedinica, ima Stručno vijeće i direktora.

(2) Institut može imati i druge organe u skladu sa Statutom.

(3) Druge organizacione jedinice Univerziteta, kao i njihove podorganizacione jedinice, imaju svoje organe u skladu sa Statutom.

Član 38.

(Sadržaj Statuta)

Pored odredbi utvrđenih Zakonom, Statut Univerziteta sadržava odredbe o stručnim i drugim organima organizacionih jedinica Univerziteta, postupku i uslovima njihovog obrazovanja i popunjavanja, sastavu, broju članova i nadležnosti ~~ih organa.~~

GLAVA SEDMA – FINANSIRANJE UNIVERZITETA

Član 39.

(Finansiranje Univerziteta)

(1) Univerzitet stječe sredstva za obavljanje svoje djelatnosti:

- a) iz sredstava osnivača;
- b) upisnina, školarina koju plaća student/studentica;
- c) uplata za obavljanje intelektualnih i drugih usluga;
- d) sredstava od izdavačke djelatnosti;
- e) sredstava osiguranih realizacijom naučno-istraživačkog rada, te izradom stručnih i konsultantskih projekata;
- f) pružanjem usluga u nastavi drugim visokoškolskim institucijama
- g) prodaje dokumenata koji se koriste za upis (indeksi i upisni materijal) i dokumenata koji se koriste u toku studija i diplomiranja;
- h) donacija, naslijeđa, darova;
- i) legata, poklona i zavještanja;
- j) kredita i
- k) drugih Zakonom dozvoljenih izvora.

- (2) Sva novčana sredstva pripadaju Univerzitetu i troše se u skladu sa Zakonom, podzakonskim aktom, Statutom i usvojenim finasijskim planom.
- (3) Organizaciona jedinica Univerziteta može stjecati sredstva iz stava (1) ovog člana u skladu sa Zakonom i Statutom Univerziteta.
- (4) Sredstva iz stava (1) ovog člana se iskazuju i evidentiraju u skladu sa trezorskim poslovanjem.
- (5) Senat utvrđuje upisne kvote i donosi odluku o visini školarine, koju plaćaju studenti na Univerzitetu, uz prethodnu saglasnost Vlade Kantona.

Član 40.
(Vlastiti prihodi)

- (1) Vlastiti prihodi Univerziteta, koji su kao takvi definisani posebnim propisima, raspodjeljuju se na način i u rokovima utvrđenim posebnim propisima, Statutom i usvojenim finasijskim planom Univerziteta.
- (2) Kriterije za raspored sredstava koja Univerzitet ostvaruje iz vlastitih prihoda na organizacione jedinice Univerziteta donosi Upravni odbor Univerziteta u skladu sa Zakonom i Statutom.

Član 41.
(Interna kontrola i revizija)

Univerzitet uspostavlja internu kontrolu i internu reviziju poslovanja u skladu sa Zakonom.

GLAVA OSMA – NADZOR

Član 42.
(Nadzor)

- (1) Nadzor nad provođenjem ovog Zakona i propisa donesenih za njegovo provođenje vrši Ministarstvo obrazovanja, nauke, kulture i sporta.
- (2) Nadzor se vrši na način koji ne narušava autonomiju Univerziteta i ne ometa njegov redovan rad.

GLAVA DEVETA – PRELAZNE I ZAVRŠNE ODREDBE

Član 43.
(Pravo na završetak studija)

- (1) Studenti upisani na dodiplomski i postdiplomski studij na dan stupanja na snagu ovog Zakona imaju pravo završiti studij prema

nastavnom programu i uslovima koji su važili prilikom upisa u prvu godinu studija i steći odgovarajući stručni, odnosno naučni naziv prema propisima koji su važili prije stupanja na snagu ovog Zakona.

- (2) Student koji je do stupanja na snagu ovog Zakona izgubio pravo na dalje redovno studiranje može nastaviti studij uz obavezu plaćanja troškova studija ukoliko je organizaciona jedinica u mogućnosti da organizira nastavak studija.
- (3) Pravo na završetak studija po ovom članu ograničava se završetkom akademske 2012/2013. godine.

Član 44.
(Pravo na reizbor)

- (1) Viši asistent koji je to zvanje stekao prema odredbama Zakona o Univerzitetu u Bihaću ("Službeni glasnik Unsko-sanskog kantona", br. 8/98 i 8/06) i koji je u radnom odnosu na Univerzitetu u Bihaću ima pravo na još jedan reizbor po propisima i uslovima koji su važili do dana stupanja na snagu ovog Zakona.

Član 45.
(Mandat članova Upravnog odbora)

- (1) Senat Univerziteta će imenovati upravni odbor Univerziteta u skladu sa ovim Zakonom, u roku od 90 dana od dana stupanja na snagu ovog Zakona.
- (2) Do konačnog imenovanja Upravnog odbora u skladu sa ovim Zakonom, Vlada Unsko-sanskog kantona će imenovati privremeni Upravni odbor Univerziteta.

- Član 46.**
(Mandat rektora i prorektora Univerziteta, dekanâ i prodekanâ fakultetâ)
- Rektor i prorektori Univerziteta, te dekan i prodekan fakulteta izabrani prije stupanja na snagu ovog Zakona ostaju na istoj dužnosti, do izbora organa Univerziteta i organizacionih jedinica u skladu sa ovim Zakonom, odnosno do upisa Univerziteta u Sudski registar.

Član 47.
(Rok za donošenje statuta)

- (1) Upravni odbor Univerziteta, zatečen na dužnosti na dan stupanja na snagu ovog Zakona, će donijeti statut Univerziteta u Bihaću u roku od 30 dana od dana njegovog stupanja na snagu.